

Ko e Faiako 'i he Laumālié: Me'a ke Fai mo Tukú

Na'e fokotu'u mai 'e Eletā Niila A. Mekisuele (1926–2004) 'o e Kōlomu 'o e Kau 'Aposetolo 'e Toko Hongofulu Mā Uá ha ngaahi me'a ke fakahoko mo 'oua fakahoko, 'i he faiako 'aki e Laumālié:

Fakahoko	'Oua Fakahoko
1. Tokanga taha ki he momeniti ako'i 'aki ma'u ha loto nonga mo fiemalie.	1. 'Oua 'e 'ita he fanga kii me'a noaia. Manatu ki he taimi na'e 'ikai ke ngaue lelei ai 'a Siosefa Samita hili 'ene vatamaki mo 'Emá? 'Oku faingata'a ke fakaafei mai e Laumālié ka he 'ikai ha'u ia 'o kapau 'oku tau mo'ua kitautolu he hoha'a holo ki he ngaahi me'a kehé.
2. Angamalū pea " te u fakahā kiate koe 'i ho 'atama'i pea 'i ho lotó" (T&F 8:2).	2. 'Oua 'e feinga ke fiehā ke lava 'o fanongo pe sio atu e kakai kiate koe.
3. Fesiofaki mata ki he mata mo e fānau akó pea fakafanongo kiate kinautolu.	3. 'Oua te ke mo'unofoa ho'o faiakó pea faingata'a ai ke ke fakafanongo ki he Laumālié pe ko e fānau akó. 'Oua te ke 'amanaki 'e fanongo atu e kalasi kiate koe, kapau 'oku 'ikai ke ke fanongo ki he Laumālié.
4. Faka'aonga'i ha fanga kii sētesi iiki 'e manatua mo puke ma'u 'e he kalasi.	4. 'Oua 'e faka'aonga'i ha ngaahi lea pe fakakaukau 'oku faingata'a pe fu'u lōloa. Ne tau mei mahu'ingaia nai he Malanga he Mo'ungá kapau na'e laulau peesi hono lahi?
5. 'Ilo e me'a 'oku ako'i. Fakalaululoto mo lotua e me'a faingofua ke fakatefito ai e tokangá.	5. 'Oua 'e ako'i ha "ngaahi me'a kehekehe," mo faka'amu 'e mahu'ingaia ha taha 'i ha me'a ai. 'Oku hanga 'e he 'ikai tukutaha e tokangá 'o 'ai ke ongo'i ta'epau'ia e taha 'oku ako'i.
6. Ako'i ha ngaahi founga mo e faka'ilonga mahu'inga ke fakahoko 'aki e me'a 'oku ako'i.	6. 'Oua 'e tali ha fahu'i 'oku 'ikai 'eke 'e ha taha.
7. Fai ha ngaahi fahu'i na'e ue'i fakalaumālie.	7. 'Oua na'a ke manavasi'i ha lahi e ngaahi fahu'i
8. Mateuteu ke ako mei he me'a 'okú ke lea'aki lolotonga hono takiekina koe 'e he Laumālié. Ne u fanongo hano pehē 'e Palesiteni Melioni G. Lomeni 'i ha ngaahi me'a ne hoko, "'Oku ou 'ilo'i ma'u pē e taimi 'oku ou lea ai 'i he ue'i 'a e Laumālie Māonioní he 'oku ou ako ma'u pē ha me'a mei he me'a ne u lea 'aki'" ('i he Boyd K. Packer, <i>Teach Ye Diligently</i> [1975], 304).	8. 'Oua 'e manavasi'i ke ke kii tu'u hifo 'o fakakaukau 'i mu'a he fānau akó.
9. Tuku ha fanga kii momeniti ke fakalongolongo ai. 'E 'oatu 'e he Laumālié 'a e "fakamo'oni 'o e ngaahi me'a ta'e hā mai" (Hepelū 11:1).	9. 'Oua na'a ke manavasi'i he fanga kii fakalongolongo 'oku hoko 'i he ue'i fakalaumālié
10. Tuku ke ongo e tokātelinē kiate kinautolu. "'Oku fakahā 'e he fo'i tefito'i mo'oni kotoa pē kuo fakahā 'e he 'Otuá ki he fakakaukau 'a e tangatá, 'oku mo'oni 'a e me'a 'okú ne talá" (<i>Ngaahi Akonaki 'a e Kau Palesiteni 'o e Siasi: Pilikihami 'longi</i> [1997], 87).	10. 'Oua na'a ke feinga ke fakaloto'i e fānau akó ke nau tali e ngaahi tokātelinē.
11. Fakahoko fakalelei mo fakamahino ho'o fakamo'oni.	11. 'Oua na'a ke pehē ange pē, "'Oku 'i ai 'eku fakamo'oni."

To'o mea Neal A. Maxwell, "Teaching by the Spirit—"The Language of Inspiration'" (CES Symposium on the Old Testament, Aug. 15, 1991), 4–5, si.lds.org.

